



BIBLIOTEKA

Zakl. Nar. Im. Ossolińskich

IM

7. 3602





496

APPLAUSUS
 HIEROGLYPHICI
 SEDECIM
 NOBILIBVS IN-
 GENVIS AC ERVDITIS
 ARTIVM LIBERALIVM ET PHILOSOPHIÆ
 LICENTIATIS, CVM ANNO M. D. XCVII.

Iulij. in alma Academia Olomucensi Societatis IESV
 Suprema Philosophiæ laurea siue Docto-
 ratus gradu decorarentur:

Amoris & benevolentia ergò decantati

A B

EIVSDEM ACADEMIÆ

Poëseos studiosis.



OLOMVTII,
 Ex Officina Typographica
 GEORGII HANDELII.

Anno: M. D. XCVII.

170133

170133

✠

NOMINA DOMINO- RVM MAGISTRORVM.

- I. M. IOANNES STEPHETIVS Gliuicensis Silesius.
- II. M. GEORGIUS MIELLIZKY de Viscouia
Nobilis Morauus.
- III. M. IOANNES IOGVVEGÆVS Henrichouien-
sis Silesius.
- III. M. CASPARVS AVCEPS Transylvanus Saxo S. P. Al.
- V. M. IOANNES SIXTI Pragensis Boëmus.
- VI. M. NICOLAVS KASSOVIADES Landskronensis
Morauus. Illust. Princ. Epi Olom. Alum.
- VII. M. MATTHIAS IANCVLA de Viscouia Morauus.
Illust. Princ. Epi. Olom Alum.
- VIII. M. TOBIAS KVHNELIVS Hennersdorffensis
Silesius S. P. Alum.
- IX. M. EMERICVS NAGI de TOLNA Nobilis
Hungarus S. P. Alum.
- X. M. VALENTINVS HENSELIVS Vratisl: Silesius.
- XI. M. NICOLAVS ECKSTEIN Forcheimen-
sis Ostrofrancus.
- XII. M. GEORGIVS SCVL TETVS Nyffenus Silesius.
- XIII. M. PAVLVS ZEGEDINVS Hungarus S. P. Al.
- XIII. M. SAMVEL SIBELIVS Oppauiensis Morauus.
- XV. M. IOANNES SCINTILLA Cilicensis Silesius.
- XVI. M. SIMON STVRMIVS Transylvanus Saxo S. P. Al.



APOLLINIS
EXEGETICON EPI-
GRAMMA AD POETAS.

SOCII LÆTVM PÆANA
secuti. 10. Æneid.

MARCOMANNIACI *diuino pectore Vates,*
Si qua later vestris vis generosa modis;
Exercete stylum, date munera culta MAGISTRIS,
Ac HIEROGLYPHICAS promite mentis opes:
Hoc petit antiquo sapiens ACADEMIA ritu,
Postulat à vobis publicus illud honor.
Vestra sed haud ullis stimulis est indiga virtus,
Ad laudem siquidem gloria calcar habet;
Ingenij Iuvenes ornentur Et ingeniosi,
Hoc Vatum facient ingenua ingenia.

Ignatius Sirakovvsky à Pierkovv
Nobilis Morauus.



I.
Dn. M. IOANNI STEPHETIO
GLIVICENSI SILESIO.

CURRUS TRIUMPHALIS DD.

Tuq; dum procedis io triumphe
Non semel dicemus io triumphe.

Hor: lib 4. Od 2

ELeas ergo metas & maxima campi
Sudasti spatia, & PRIMA BRABIA rapis?
Scilicet aureolam, Miles fortissime, palmam
Primus Palladium, laureolamq; capis?
Salve ergo PRIMVS preciosa VICTOR arena,
Palladis & Phœbi presidium atq; decus.
Nam quin sis varia pariter versatus in arte
Doctorum poterit quis dubitare virum!
Fonte Medusæo Parnassia labra rigasti,
Eloquiumq; tibi Suada diserta dedit.

Insti-

*Instituitq; Sophum te summa Pallas in arte
 Accessit studijs ingeniosus amor.
 Es factus MAGNVS Vates, per docte STEPHETI,
 Orator MAIOR, MAXIMVS arte Sophus.
 Ergò quis meritis non dicat honoribus esse
 Affectum athletam, pralio in hocce graui!
 Adde suam diues sapienti in pectore virtus
 Sedem habet, id mores cum pietate probant.
 Pro meritis igitur studijs, meritoq; labore,
 Virtutem meritam, premia digna manent.
 Supremumq; decus supremus AGONIFER isto
 Palladis in stadio nobilitante capis.
 Hac modo laureola prima cum laude triumphat,
 Et velut excellens Induperator oua:
 Scande triumphales, DOCTOR supreme, quadrigas,
 Victorem tantum gloria tanta manet.*

Petrus Skydzienky à Skydzien
 Nobilis Polonus.



II.

Dn. M. GEORGIO MIELLICZKY
DE VISCOVIA NOBILI MORAVO.

FRONDENTI EX ILICE MET A. Dd. 5. Æn.

VICTORESQUE OSTENTAT
EQVOS. 7. Æneid.

T*Halia laurum Pieria manus
Tenens adesto, siue Poëticis
Parnassus undis te Camœnam,
Friguis tenet, aut Olympus,
Suauiori voce opus est modo,
Sonantiori plectro opus est tuo,
Dum concino Laurum SECUNDAM,
Quam Iuuenis pius est adeptus.
Metam attigisti proximus inclitam,
Equis citatis curriculum incitans,
Ut proximos saltem occupares
Viribus ingenij triumphos.*

*Laus magna nulli cedere pratio,
 Nullisq; vinci casibus asperis,
 Exemplum quod signant virorum,
 Qui peperere sibi trophaea.*

*Applausus ergo te idem, & ovatio,
 Idem triumphus te celebrat Ducem,
 Eademq; Laurum te Minerva
 Bellipotens merito coronat.*

*Themis polorum, qua rutilas plagas,
 Et lege justa temperat aquora,
 Sic reddit aquata bilance
 Pro meritis meritos labores.*

*Doctrinam ad amplam nunc animosior
 Gressus valentes urge alacris, rogo,
 Ardor sciendi non tepescat,
 Quin magis progrediatur ultra;*

*Pergas, honores iste honor augeat,
 Virtute partus tantus honor fuit,
 Jam latiores campi honorum
 (Mens sacra ut augurat) imminebunt.*

Proinde



*Proinde vires ingenij urgeas,
Nouumq; calcar gloria det noua,
Laxes equis & nunquam habenas
Dum atheream capias coronam.*

Non est meum Nicolaus Lubomiersky No-
Testor ingenue bilis Polonus.

III.

Dn. M. IOANNI IOGVEGÆO
HENRICHOWIENSI SILESIO.

FASCICULUS UERNALIUM FLO-
rum, quibus Apis insidet. DD.

*Ac veluti in pratis vbi apes æstate serena
Floribus insidunt varijs. 6 Æneid.*

CVM Ver purpureum, virens, venustum,
Vultu splenduit elegantiori,
Ac aura ambrosia hortulos nouellos
Gemat tempore temperatiore,
Rident arboreæ comæ virentes,
Spirat flosculus & nouos odores;
Tunc per florea regna diuagatur

Apis

Apis mellilega, imbibitq; succos
 Hyblæos simul, Atticosq; rores,
 Vnâ Corycios Syriq; odores
 Iungit, tecta struens faui è fluore;
 Cuius roridulis fluunt labellis,
 Stillatim noua mella, saccarumq;
 Cibis deliciae suauiores;
 Non se pigrity quietiori
 Dedit, dædaleo labori & arti
 Infudat studiosa apis, tenella,
 Talis perpetuis die atq; nocte
 Curis pectus amabile vrsit vsq; ;
 Fuiſti Aonidum comes Dearum,
 Hinc pellucida, multiplexq; vena
 Vati, quàm lepidè & fluit decenter.
 Secutus Ciceronis ora clara,
 Quæſiſti decus omne floſculorum,
 Campos & nemora, hortuloſq; vernos,
 Ornatiq; Scholas potente lingua,
 Suada hinc dulcibus inſidet labellis.
 Libros Socraticos lubens, frequenter
 Suxiſti è folijs ijs liquores,
 Fauo nectareo ſuauiores,
 Odore Aſyrio potentiores,
 Sabæis violis fragrantiores,
 Meſſibus Cyprijs valentiores;
 Dignus quem Charites ament Sorores,
 Dignus quem celebrent nouem Sorores,
 Dignus Heſperides cui Sorores.
 Ferant aurea mala poſt labores,
 Alcidæ ſpolijs ſuperbiores,
 In hortofq; ſuos amœniores,

B

Ducant

Ducant vere per aureos recessus,
Et metro recreent Tibulliano,
Aut versu vegetent Catulliano,
Aut oda releuent Phaleuciana,
Nouisq; Hendecasyllabis venustent:
Iam tu collige sedula ô Melissa
Apis delicias laborum honorum,
Suge dulciola atq; delicata
Hauri mellulâ bella, pressa, pura,
O claræ Sapientiæ MAGISTER.
Huc adsis iuuenum corona docta,
Daphnæa videas comas corolla
Cinctas, Gnosiacâ in polo corona
Modis omnibus vsq; pulchriore,
Nostro iudicio venustiore,
Nostris versibus elegantiore.

Mathias Schifferer Hungarus S P. Al.

III.

Dn. M. CASPARO AVCVPI
TRANSYLVANO SAXONI.

PALMA DACTYLIS FOECVNDATA Dd.

MERITÆQ; EXPECTET PRÆMIA

palma. Virg 5 Æneid.

Tellus vere nouo gramina parturit,
Ornatur folijs vmbriferum nemus,

Gref.

Gressus ergo feram rura per herbida,
 Vernalisq; decus conspiciam hortuli,
 In quo grata mihi fætâq; dactylis
 Præstans palma viret, germine nobili
 Exultat, fruticans perpetuis comis,
 Illam cui merito jure dicabimus
 Palmam, tam egregiam, nobilem, olympicam.?
 Victori precium palma sit inclyta;
 Qua quondam juvenis conspicuus stetit
 Eleus, referens palmea præmia,
 Postquam curriculo pulverem olympicum
 Collegit, celebris metaq; dexterè
 Euitata fuit præcipiti rota.
 Quæfisti assiduis hæc laboribus
 Palmas, a teneris vnguiculis puer,
 Idcirco Iuuenem te modo Dædala
 Pallas tergeminis ornat honoribus,
 Non cessisti etenim ponderibus datis,
 Contra nisus at es surgere celsius,
 Hinc fructus peperit Diua scientia
 Illustres, recreans pectora præmijs,
 Doctarum quia habes præmia frontium,
 Extendas igitur brachia latius
 Tanquam palma suis frondibus aëra
 Amplectens, nitidè magnifica coma,
 DOCTOR viue diu, vita imitabere
 Palmas, haud pereat gloria nobilis,
 Et justus veluti palma palæstrica
 In cœlo vireas justitiæ tenax,
 Sublimi feriens sydera vertice.

Matthias Rauch Olomuensis
 Morauus.

V.

Dn. M. IOANNI SIXTI
PRAGENSI BOEMO.
ANNULUS ACADEMICUS DD.

QUALIS GEMMA MICAT FVL-
uum quæ diuidit aurum. 10. Æn.

Qui studio rerum causas scrutantur & ortus,
Gemmarum varias mirantur acumine vires,
Auri CHRYSOLITVS rutilanti lumine fulget,
Pulcher cœruleo CYANVS se vestit amictu,
Allicit & PRASIVS multos splendente virore,
MAGNETI ferrum vis est innata trahendi,
Nōne suo arridet viridante colore SMARAGDVS?
BERYLLOS auro præfert longinquus Eous,
Purpureo XANTHOS nitet fœdica gemma colore,
Et fulget tanquam rutilus CARBUNCVLVS ignis,
Præclarasq; inter gemmas laudatur IASPIS, In ma-

*In magnoq; fuit precio seruatus ACHATES,
 Qualis Gemma micat, fuluum qua diuidit aurum
 Talis gemma micat hos inter, SIXTE, Magistros
 Ergo honor iste tuus tibi sit preciosior omni
 CHRYSOLITO, CYANO, PRASIO, MAGNETE, SMARAGDO
 BERYLLO, XANTHO, CARBUNCULO, JASPIDE, ACHATE.*

Ioannes Greshelius Olomuc: Morauus.

VI.

Dn. M. NICOLAO KASSOVIADI
 LANDSKRONENSI MORAVO.
 LAUREUS RAMUS DD.

ET VOS Ô LAVRI CARPAM.

Virg. 2. Ecl.

ENtheæ Lauri canimus trophæum,
 Aureum vati Pataræ plectrum,
 Porrigas, doctos cupit ob triumphos
 Laurus honores.

Fronidium Laurus nitet vsq; pulchro
 Tegmine, has nunquã Boreas, nec Auster
 Tristis, aut brumæ rabies geluue,

Priuat honore.

Tu decus pulchrum es nemorum venusta
Laurus, vt vites super alnus alta
Tollitur, sic se super hanc tua ingens
Gloria tollit.

Cum neci Pythona dedit reflexum,
Pythicus pollens jaculis & arcu,
Primus hac lauru sua laureata
Tempora fecit.

Aonum sylua inseruit deinde,
Quam leues Nymphæ celerésq; Fauni
Irrigant lactis latice & suau
Nectare potant.

Absq; te haud colles Heliconis vllus
Dextero cursu valet introire,
Tu prius donas sacra candidato
Præmia Vati.

Cæsarum postes nitidos opacas,
Et Duces ipsos redimis potentes,
Quando victores reuehunt ab acri
Marte triumphos:

Clarus es victor, generose MILES,
Difficultates superasti amaras,
Prælio in magno Sophici laboris,
Ergò triumphata.

Litteræ doctæ benè laureatum
Te coronarunt viridante lauru,
Plurimas tales numera, MAGISTER
Inclyte, lauros.

Melchior Preinerus Olomuensis
Morauus. S. P. Al.

VII.

Dn. M. MATTHIÆ IANCVLÆ
DE VISCOVIA MORAVO:
GLORIA SEIPSAM DD.

: Se quantis attollet Gloria rebus.
Virg. 4. Æneid.

*V*Enit triumphans Gloria,
Occurre lætis gressibus,
Vniſq₃ plenis excipe
Reginam age hanc decoram.
Sublimiorem Gloria
Tollet MAGISTRVM ad æthera,
Privata tecta non enim
Amat potens virago.
Venuſta virtus hanc parit
In aſperis laboribus,
Cultorem amabilem ſuum
Facitq₃ glorioſum.

In primis autem literis
Illustriorem prouehit,
Tituloq; majori beat,
Sapientia MAGISTRVM.

Virtute multa Palladis,
Venisti in arces arduas,
Vicisti acerbos sedulis
Laboribus labores.

Debetur ergo gloria
Meritò Sophis DOCTORIBVS
Merces laborum, Gloria
Et premium decorum.

Stet Magni Alexandri Ducis
CAROLIQ. Quinti gloria,
Propter trophæa ab hostibus
Partos & ob triumphos.

Platonis at Sapientia
Et Tullij eloquentia
Maronis & scientia
An gloria carebit?

Te IAN-

*Te f ANCVLAM ista gloria
Academica atq; dignitas,
Deduxit ad fastigia
Scientiæ probata.*

Nicolaus Wiedmannus Silesius.

VIII.

Dn. M. TOBIÆ KVHNELIO
HENNERSDORFFENSI SILESIO.

EPIGRAMMA PARODIANUM DD.

IN VTRVMQ. PARATVS.
Virg. 2. Æneid.

AN Pallas tibi chara mage? an mage chara Thalia?
Chara tibi est Pallas, chara Thalia tibi.
Vtraq; chara æquè est, ipse æquè es charus vtriq;
Ingenio chara est illa vel illa tuo.
Nunc tu totus in hac, nunc totus viuis in illa,
Vtraq; & vna tibi est, quam pari amore colis.
Laurum fer Pallas, túq; alma Thalia, MAGISTRO,
Quódq; dabis Pallas, docta Thalia dabis.

Valerianus Neumannus Olom: Morauus.

C

Dn.

IX.

Dn. M. E M E R I C O N A G I
DE TOLNA NOBILI HUNGARO.
DIUERSORUM DIUERSA DONA.

INVENTAS AVT QVI VITAM
coluere per artes. Virg. 6. Æn.

SIt fortunatus Gyges; venator Orion;
Iactet magnificus ditia regna Midas;
Telipotens Chiron; valeat Citharædus Arion;
Picus equum domitor; Mars clypeoq; bonus;
Sit Phydias sculptor; clarus Pompeius honore;
Et grauitate Cato; religione Numa;
Castor eques; Perseus cursor; fortissimus Hector;
Magnus Alexander; summus Aristoteles;
Facundus Cicero; Phœbus certissimus arcu;
Musicus Amphion; sitq; Poëta Maro;
Iste hac, ille illa fortuna & honore triumphet,
Arte Magisterij, clare **MAGISTER**, oua

(Heroinum Carmen)

Georgius Conradus Silesius.

Dn.

X.

Dn. M. VALENTINO HENSELIO
VRATISLAVIENSI SILESIO.
HONORIS AETERNITAS DD.

ET CEDRO DIGNA LOCVTVS.
Perfius, i. Satyr.

*ARbores adeste nunc,
Semper virentes qua comas
Fertis omni tempore,
Seu bruma seu ver imperet.
Buxus adsit Jsmena,
Terebinthus, Abies, & Larix,
Palma ramis ardua,
Redolensq; Juniperi decus:
Grata Laurus vatibus,
Hederaq; interuireant comis
Et Cedri constantia,*

G 2

Eius

*Eius vetustatem integram
Arborum & virentium
LICENTIATVS diligit,
Digna Cedro perpetrans
Aeterno honore & frondeat
Cedrus aeternum ut vires.*

Bartholomæus Kichlerus Silesius.

XI.

Dn. M. NICOLAO ECKSTEIN
FORCHEIMENSI OSTROFRANCO.

V O T U M.

QVOD VOTIS OPTASTIS ADEST.

Virg. 10. Æneid:

MEtellus Imperator Maximus
Optasse scribitur quondam DECEM
Res maximas, testante Plinio.

Vt belli-

- I. Ut belliger vir esset strenuus,
- II. Ut fieret Orator celeberrimus,
- III. Ut Imperator & fortissimus,
- IIII. Ut magna gereret auspicio bono,
- V. Ut honorum haberet inclitos gradus,
- VI. Ut vir foret summa sapientie,
- VII. Ut esset & Senator optimus,
- VIII. Ut opes acquireret bonis modis,
- IX. Ut liberos multos relinqueret,
- X. Ut in urbe tota esset clarissimus.

Hæc Vota contingere ei DECEM,
 Vlli nec alteri post conditam
 Romam: ista num censes vulgaria?
 Quod NICOLAE Votum erat tuum?
 Nempe absoluto cursu Palladis,
 Ut eruditus fieres Artium
 MAGISTER, en Votum ratum fuit.
 Vis Vota plura? si lubet, licet;
 Sunt altiores in studijs gradus
 Ad quos THEMIS beata te vocat.

Michael Sampachius Silesius.

XII.

Dn. M. GEORGIO SCVLTEO
NYSSENO SILESIO:
CALATHUS MINERVÆ DD.

Intactis opulentior Theſauris Arabum.
Hor. lib 3 carm Od. 24.

THESAUVROS, GAZAS, per faſq̄, nefaſq̄, ſuperbas,
Quid tantis ſtudijs accumulare iuvat!
Faſcinat illa quidem multas dementia mentes,
At quæ Sors tribuit, Sors maleſida rapit.
Omnia conſumit tandem longæua vetuſtas,
Præcipiti caſu ſponte ſuæ ruunt.
Hæc præuidiſti ſapientia mente, GEORGI
SCVLTETE, inuentas jam tuearis opes.
Theſauros ſiquidem veræ ſapientia amaſti,
Ex quibus æternus conciliatur honor.

Adamus Fritſchius Sileſius.

XIII.

Dn. M. PAVLO ZEGEDINO
HUNGARO.

GEMMA PHILOSOPHICA DD.

HANC MVLTO FLORENTIEM
 annos. Virg 8. Æneid.

Amœna pulchritudo
 Tandem cuncta senescit:
 Syluæ virore seculo
 Brumali spoliantur:
 Hortis decórq; cedit;
 Transit mobilis ætas;
 Et quod solum virebat,
 Post nix contegit alta.

ACA-

ACADEMIA OLOMVCENSIS

Gemmis attamen vsq;
Abundat ac virescit,

Quas non bruma perurit.:

Quarum è coronula vna

Flores gemmula PAVLE.

Ioannes Heifelder Olom: Morauus

XIII.

Dn. M. SAMVELI SIBELIO
OPPAVIENSI MORAVO.

SEDECIM MAGISTRI ACA-
demia OLOMVCENSIS.

: Studijsq; fauentum
Consonat omne nemos. Virg 5. Æneid

Plausus

Plausus ingemina obuios,
 O GERMANIA nobilis;
 Gesti loetitia noua
 MARCOMANNIA fertilis,
 Venit Præsidium nouum, à
 Doctæ Palladis Artibus,
 DOCTORES igitur, tuum ac
 Doctum SIBELIUM excipe,
 Loetis vocibus & modis,
 Stabunt pectore Martio
 Contra tartaream manum,
 Turpemq; hæreseos luem,
 O FELIX IUVENVM GENVS,
 SI VESTROS ANIMOS, AMOR
 QVO CÆLVM REGITVR, REGAT.

Fridericus Brandt Nobilis Silesius.

D

Dn. M. IOANNI SCINTILLÆ
 CILICENSI SILESIO.
 CORNUCOPIÆ SAPIENTIÆ DD.

INDOCILIS PAUPERIEM PATI.

Hor. l. Oda.

LÆtus triumphat nauita, prosperè
 Quem jactitarunt æquora Pontica,
 Cum littus alto conspicit è mari,
 Post validas hyemes abactas;

Lætus superbit mercibus optimis
 Mercator Hispanus, regionibus
 Indis remotis, cum redit ad suos
 Diues & incolumis penates.

SCINTILLA, fas est, lætior vt diem,
 Albo lapillo & carmine denotes,
 Ponti procellas nauibus integris
 Exuperasti alacri labore.

Gazas reportas & SOPHIÆ sacrae,
 Mutare quas non cum Attalicis velis
 Verè superbis conditionibus

O decus eximium MAGISTER.

Joannes Nitsch Silesius.

XVI.

Dn. M. SIMONI STURMIO
TRANSYLVANO SAXONI.

EPOS 7 DIOTOPUM.

Mantua me genuit ; Dacia te genuit.
In illust: virorum Epitaphijs.

*M*antua Virgilio claret, Nasone triumphat
Sulmo potens undis, Pythagoræq; Samos.
Urbs Tyria eximium Carthago Terentium honorat,
Ausonium celebrat Patria Burdegalis.
At Pandionia jactant Demosthenem Athenæ,
Pella ab Alexandri bella Trophæa gerit.
Hesiodum ciuem celeberrima pradicat Ascræ,
Crispus ouat Roma, Nestore clara Pylus.
DACIA te genuit, STURMI præclare MAGISTER,
Doctrinam poscit DACIA clara tuam.
Ioannes Piper Misnensis.



EPIPHONEMATA ET
EPIGRAMMATA PRÆCEDENTIBVS
ORDINE CORRESPONDENTIA.

AD PRIMVM PHILOS: DOCTOREM.

*Phæbus equos currumq; tibi, quæ scandis, adornat ;
Ne Phaëtontæas experiare vias.*

Ad 2.

*Pulvere collecto metam contingis : at illa
Victor ut ad palmam progrediare monet.*

Ad 3.

*Flores cum fructu, varijs & odoribus herbas
Dum legis ; ore fauos, munere vincis apes.*

Ad 4.

*Victori inuictam præbet Victoria palmam
Vincere perge, polo Dux tibi Pallas erit.*
Stanislaus Gueteter Nobilis Polonus.

Ad 5.

*Quis te non digitis gestet, non fronte, nec aure ?
Tot gemmis, SOPHIÆ clarius arte micæ.*

Ad 6.

*Laureaserta tibi jam pridem tempora cingunt ;
Tempora cur tanto laureaserta virent ?*

An fove nata tuas laurum delapsa per aures,
Ingenij Pallas docta rigavit aquis?

Ad 7.

GLORIA sequentem fugio, fugientem sequor,
Ut comprahendas me, fuge.

Ioannes Zimmerman Silesius.

Ad 8:

Felix qui potuit rerum cognoscere causas,
Versibus ac illas amplificare suis.

Ad 9.

Ars & Sors tibi dent quaecunq3, EMERICE, mereris,
Sors aurum, Ars laurum det tibi, plura cupis?

Ad 10.

Sic quoq3 perpetuum vireat tua fama, MAGISTER,
Istis arboribus ceu viret usq3 viror.

Paulus Schrammius Morauus.

Ad 11.

Nullibus è multis cui votum sufficit unum,
Vix SOPHVS vnus erit, si tamen vnus erit.

Nullibus è multis cui Sors dat vota tot vni,
Vix tamen vnus erit, si tamen vnus erit.

D 3

Ad 12.

Ad 12.

*Huic Musæ è vestris calathis date lilia plenis,
Cui Jovis è Cerebro nata Minerva fauet.*

Ad 13.

*OLMVTIVM profert gemmas, gaudete Coloni
Tam docta fulgent, quas & Olympus amet.*

Philippus Walnerus Austriacus.

Ad 14.

*Fortunata nimis SOPHIE studiosa juventus,
Si tamen agnoscis commoda opesq; tuas.*

Ad 15.

*Quando OLOMVCENSES SCINTILLA petiuit Athenas,
Pallas ouans dixit: DOCTOR ouabis, aue.*

Ad 16.

*DACIA te genuit, DOCTOREM clara creauit
MORAVIA, à quo nam munera plura solo?*

Stanislaus Riemer Nobilis Polonus.

POESIS AD ZOILVM.

*IN silices acuas mordaces Zoile dentes,
Liuor enim nihil hîc quod benè rodat, habet.
Candida carmina sunt, cantauit candida Musa,
Candor inest vati, num tibi candor inest?*

Augustus Spächterus Austriacus S. P. A.

POETA AD MOMUM.

ERrata hocce libro si quædam Mome videbis,
 Si vis, excusa iudicio illa bono.
 Carmina Doctorum non hæc rere esse virorum,
 Simpliciore stylo carmina facta legis.
 Nam quis ubiq; potest oculato oculatior Argo
 Esse, sacri Vates nec malè scripta probant.
 Conatus Vatum potius laudabis & autus,
 Vtpote quos primum culta Thalia polit.
 Ergo parcendum tyronibus esse videtur,
 Mome, an tu verò singula ritè facis?

Simon Scultetus Silesius.

IN LIBRVM:

*Sunt bona, sunt quedam mediocria, sunt mala plura
 Carmina, non aliter scribitur iste liber.*

Ioannes Bonne Compagnie Basto-
 niensis Burgundus.





POETA AD MOMUM

Erit hoc si quidem Momus videbit
 Siis excelsa iudicialia dona
 Camilla D. Bonum non hinc est illud vitium
 Simpliciorum si loquar ista legi
 Namque est prope oculis oculorum Argo
 Elic facit Vires nec male scripsit prohan
 Coram Vatum potius iudicibus & iudicibus
 Vixit quos primis cibus Thalia polle
 Ego pariter duntaxat iudicibus esse videtur
 At me ad hoc non singularis factus
 Simon Sceleris Thelma

IN LIBRVM

Erit hoc si quidem Momus videbit
 Siis excelsa iudicialia dona
 Camilla D. Bonum non hinc est illud vitium
 Simpliciorum si loquar ista legi
 Namque est prope oculis oculorum Argo
 Elic facit Vires nec male scripsit prohan
 Coram Vatum potius iudicibus & iudicibus
 Vixit quos primis cibus Thalia polle
 Ego pariter duntaxat iudicibus esse videtur
 At me ad hoc non singularis factus
 Simon Sceleris Thelma





konserwacja w roku 2002

wykonawcy Jadwiga Nowak

H. Świdelski - oprawa

zabiegi

Demontaż, oczyszczenie na sucha,
kopię, namoczenie i sklejenie
rodzaje, uzupełnienie ubytków,
Szycie na taśmy bawełniane

Oprawa w skórę jantarską

miejsce przechowywania dokumentacji

bei dokumentacji sztalgotowej

